



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

**Bosna i Hercegovina
Federacija Bosne i Hercegovine
Parlament Federacije**

Dom naroda
Sekretar
Ul. Hamdije Kreševljakovića 3
71000 Sarajevo

Naš znak/Our ref.: **10/30 - 771- 2/26**

Vaš znak/Your ref.: **05/2-02-224/26**

Datum /Date, **29. 05. 2026.** Bosna i Hercegovina
Federacija Bosne i Hercegovine

**PARLAMENT FEDERACIJE
SARAJEVO**

Predmet: Inicijativa – odgovor, **dostavlja se**

Veza: Vaš akt broj: 05/2-02-224/26 od 07.05.2026. godine

Poštovani,

Primijeno: 02-06-2026			
Org. jed.	Broj	Priloga	Vrijednost
05/2	02	224	26

Vašim aktom navedenim u vezi, zaprimljenim na protokol "Agencije za vodno područje rijeke Save" Sarajevo dana 13.05.2026. godine dostavili ste nam inicijativu koju je pokrenula Sanela Klarić, delegatkinja u Domu naroda Parlamenta Federacije BiH.

Predmetna delegatska inicijativa odnosi se na Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje („Službene novine Federacije BiH“, broj: 88/12), u daljem tekstu „Pravilnik“.

Napominjemo da ova Agencija svoje zadatke obavlja u skladu sa obavezama propisanim članovima 29., 155. i 156. Zakona o vodama FBiH („Službene novine Federacije BiH“, broj: 70/06), u daljem tekstu „ZoV“.

Inicijativom je traženo da Federalno ministarstvo poljoprivrede, vodoprivrede i šumarstva što prije uradi izmjene i dopune predmetnog Pravilnika u skladu sa posljednjim standardima i sa zahtjevima koje donose klimatske promjene budući da je isti na snazi od 2012. godine i ne donosi najbolja rješenja kada je u pitanju zaštita izvorišta.

Na osnovu člana 66. stav 3. ZoV-a, federalni ministar poljoprivrede, vodoprivrede i šumarstva, u saradnji sa federalnim ministrima nadležnim za zdravstvo i okoliš, donosi propis o načinu utvrđivanja uslova za određivanje zona sanitarne zaštite i zaštitnih mjera za izvorište.

Članom 3. stav (1) ZoV-a vode su definisane kao opće dobro i kao takve su pod posebnom zaštitom Bosne i Hercegovine, Federacije, kantona, grada i općina. Istim članom, u stavu (2) se između ostalog navodi da se upravljanje vodama temelji na načelima nekomercijalnosti, prema kojemu voda u osnovi nije komercijalni proizvod, već naslijeđe koje se mora čuvati, štiti i shodno tome s njim postupati.

Prema važećim zakonskim i podzakonskim aktima iz oblasti zaštite voda, ova Agencija nema nadležnost nad provođenjem mjera, izdavanjem sankcija niti direktni nadzor u zonama zaštite, već obavlja stručne i savjetodavne poslove u oblasti upravljanja vodama. Mjere zaštite u zaštitnim zonama i obaveze nadležnog općinskog organa uprave o zaštiti izvorišta propisane su članovima 10. i 11. Pravilnika.

Članom 11. Pravilnika dodatno su propisane obaveze organa uprave nadležnog za vode na čijem se području nalazi izvorište, uključujući provođenje javnih rasprava prilikom donošenja akata o zaštiti izvorišta.

Član 43. i 45. Pravilnika jasno propisuje na koji način se definiše utvrđivanja uslova za uspostavljanje zaštitnih zona i zaštitnih mjera. U postupku njihove izrade organizuje se javni uvid i provode konsultacije sa zainteresovanim stranama, uključujući jedinice lokalne samouprave, korisnike voda i širu javnost. Time se osigurava učešće javnosti u donošenju odluka i primjena principa transparentnosti i participacije u upravljanju vodnim resursima.

Činjenica je da pitanje zaštite izvorišta vode za piće predstavlja jedno od najznačajnijih pitanja upravljanja vodnim resursima, posebno imajući u vidu sve izraženije posljedice klimatskih promjena, povećane rizike od poplava, zagađenja, kao i druge antropogene i prirodne pritiske na izvorišta koja se koriste za javno vodosnabdijevanje stanovništva.

U skladu sa odredbama Zakona o vodama FBiH, kao i principima i ciljevima Okvirne direktive o vodama Evropske unije (2000/60/EC), Agencija za vodno područje rijeke Save učestvuje u izradi i provođenju planskih dokumenata upravljanja vodama, sa posebnim fokusom na zaštitu, očuvanje i održivo korištenje vodnih resursa.

Takođe, u okviru svojih nadležnosti, Agencija kontinuirano provodi aktivnosti koje se odnose na izradu stručnih studija, strateško-planske i razvojne dokumentacije, uspostavljanje i provođenje monitoringa površinskih i podzemnih voda, te analizu kvantitativnih i kvalitativnih pritisaka na vodna tijela i izvorišta. Na osnovu prikupljenih podataka i stručnih analiza, ova Agencija prati stanje voda, procjenjuje rizike po vodne resurse i predlaže mjere zaštite s ciljem postizanja i očuvanja dobrog statusa voda.

Agencija za vodno područje rijeke Save će, u okviru svojih zakonom utvrđenih nadležnosti, raspoloživih stručnih kapaciteta i tehničkih mogućnosti, pružiti svu potrebnu stručnu i konsultativnu podršku u eventualnim aktivnostima koje se budu odnosile na pripremi izmjena i dopuna predmetnog pravilnika.

Do eventualne realizacije navedene inicijative, neophodna je dosljedna primjena važećeg Pravilnika, kao i relevantnih odredbi Zakona o vodama Federacije Bosne i Hercegovine.


Navedeno podrazumijeva obavezu nadležnih organa da, u skladu sa zakonom i podzakonskim aktima, provedu postupke utvrđivanja i donošenja odluka o zonama sanitarne zaštite izvorišta, definišu i osiguraju provođenje propisanih zaštitnih mjera, te kontinuirano vrše nadzor nad njihovom primjenom radi očuvanja kvaliteta i zdravstvene ispravnosti voda namijenjenih javnom vodosnabdijevanju stanovništva.

Također, neophodno je dodatno unaprijediti inspekcijски nadzor od strane nadležnih vodnih, okolišnih, urbanističkih i drugih inspekcijских organa, uz dosljednu primjenu zakonom propisanih upravnih i prekršajnih mjera i sankcija prema pravnim i fizičkim licima koja postupaju suprotno utvrđenim režimima zaštite i drugim obavezama propisanim važećim propisima iz oblasti voda.

Posebno se ukazuje na potrebu blagovremenog usklađivanja prostornih, urbanističkih i razvojnih planskih dokumenata sa utvrđenim zonama sanitarne zaštite, kako bi se spriječile aktivnosti i zahvati koji mogu ugroziti izdašnost, kvalitet i zdravstvenu sigurnost izvorišta vode za javno vodosnabdijevanje.

S poštovanjem,

DIREKTOR


dr.sc. Senad Memić

Dostaviti:

- ① Naslovu,
- Vlada Federacije BiH,
- Sanela Klarić delegatkinja u Domu naroda Parlamenta FBiH,
- Sektor 10, 30,
- a/a